

الرشاد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف ادیب

والسلام اقدمز بعض اصحاب ايله « جمرانه » نام موقعدن قالقه رق عمره نیتيله محرمًا مکيه داخل اولديلر . عمر دلرینی اکیال ایدنجه تکرار اردو کاهلرینه کله رک مکة نک امور اداره سنی عتاب بن اسیده ، امور دینیه نک تعلیمی جهتی ده معاذ بن جبله تسلیم ایدرک ذی القعدة نهایتلرنده یاخود ذی الحجه نک ابتدالرنده مدینه منوره یه عودت بیوردیلر .

بوسنه اهل اسلام ، حجتی عتاب بن اسید ايله برلکده ایفا ایتدیلر . فقط اسلامیتی هنوز قبول ایدمه یین قبائل عرب و مشرکین ایسه کندی عادات جاهلیه لری اوزره اجرا ایتک خصوصنده سربست براقیلدیلر .

هجرت سنیه نک طقوزنجی سنه سی ایدی ، علیه الصلوة والسلام اقدمز برنجی دفعه اولمق اوزره حضرت ابوبکری امیر حج انتخاب بیوردیلر . ابوبکر ، علی روایة ، مدینه منورده دن اوچیوز قدر اهل اسلام ايله یوله چیقیدیلر . اول حضرت کندی مبارک الیه یکریمی دوه یی هدی اولمق اوزره نشانلایه رق و بویونلرینه قلاده لر طاقه رق ابوبکر ايله برابر ایصال ایتدی . حضرت ابو بکر کنیدیسی ایچونده بش هدی نشانلامشدی . حجاج مسلمین ذوالحلیفه موقعنده احرامه کیردیلر . مکيه طوغرو ایلروله یورلدی .

بوصره لرده « برائة » سورة جلیله سی نازل اولدی . رسول اکرم ايله مشرکین آره سنده اولان معاهده عمومیه نک ، یعنی تادور خایلدن اعتباراً ذی قوت و متولی کعبه اولانلرک زیارت بیت الله و ایضاً حجن مؤمن و مشرک هیج برکیمسه نک منع ایدیله مسی ، شهر حرمده کیمسه نک هیج بردرلو تعرضه دوچار اولماسی ضمننده برتعامل موجود ایدی . بو حالده بوکون ذی قوت و شوکت اولان اهل اسلامک دخی زیارت کعبه وادای حجن هیج برکیمسه یی منع ایتمه لری اقتضا ایده جکدی .

عمومه عائد اولان بوحق عادتاً بر معاهده ايله تأمین ایدیش کی ایدی . نصل که فتح مکي متعاقب اول حضرت برچوق بدعتلری فسخ ایتدیکی حالده بوجهتی مسکوت عنه براقشردی . فقط بوندن بویله مشرکانه اجرا ایدیله چک طواف و سعیله ، برچوق بدعتلر ايله قاریشیق اوله رق اجرا ایدیلن حجلره نهایت ویریله چک ، بر محیط مقدس داخلنده خالق ذوالجلال اولان اللهک اسم پاکر یله برابر « لایسمن ولا یفنی من جوع » اولان اصنامک ناملری یاد ایدیله میه جکدی . حضرت اللهک قرآن کریمده : « وعهدنا الی ابراهیم و اسماعیل ان طهرا بیتي للطائفین و الماکفین و الرکع السجود » ديه حکایه بیوردینی اوزره ، ابراهیم و اسماعیل علیهما السلامک تا اوزمانلر مکلف اولدقلری وظیفه تطهیر ايله بودفمه ده اول حضرت مأمور اولیوردی . آرتق کعبه معظمه اصنام و اوثاندن ، هر درلو آثار شرکدن تطهیر ، حج صفت اصلیه سنه ارجاع ایدیله جکدی .

برده علیه اله لاه و السلام اقدمزک بعض قبائله قارشى خصوصى معاهده و متارکه لری واردی که بعد الهجره عقد ایدیشیدی . ایشته برائة سورة جلیله سی برنجی نوعدن اولان معاهده عمومیه نک فی الحال

وعظمت رهبری ایکن ؛ او دین مینه انتساب دعواسنی کودن بز زواللیر ، دنیانک مختلف اقلیملرنده عاقل ، باطل ، مسکین ، ذلیل محقر ، محکوم ، ایکنج بر طاقم پیغیلر ، جانلی لاشه پیغیلری تشکیل ایدیورز ! ولاحول ولا قوة الا بالله .

محمد عاکف

فَقِيرٌ وَقَتًا فَيُؤْتَى

فقه و عبارات اسلامیة تاريخية :

حج

۷

هجرتک سکنزنجی سنه سی ایدی ، مکة فتح ایدیله رک کعبه معظمه ، مسجد حرام اصنامدن تطهیر ایدیلدی . علیه الصلوة والسلام اقدمز کعبه یی غیر محرم اوله رق یدی دفعه طواف ایدیلر . حجر اسودی ، التمه بولتان چوکانی ايله استیلام ایدیوردی . طواف تمام اولونجه ، امر نبوی اوزرینه ، کعبه دخی اصنامدن تطهیر ایدیله رک ، حضرت بلال کعبه نک اوزرینه چیقیدی ، اذان او قودی . بعده اول حضرت معیتده بلال ، عسامه بن زید ، عثمان بن طلحه بولوندیغی حالده کعبه یه داخل اوله رق قابوی قبادیلر . حضرت بلالک روایت کوره ، علیه الصلوة والسلام اقدمز قابویه مقابل اولان دیواره اوج ذراع قدر یا قلاشه رق اورایه متوجهاً نماز قیلدیلر . ابن عباسک دیدیکنه کوره ، بوصره ده « ان الله یأمرکم ان تؤدوا الامانات الی اهلها » آیت کریمه سی نازل اولدی . درون کعبه ده تکبیر و تهلیل کتیره رک آز چوق کزندکدن صوکر ا قابو آچیلدی . قریش قابو اوکنده صف تشکیل ایدرک حقلرنده نصل معامله ایده جکینی دوشونوب طور یورلدی . علیه الصلوة والسلام اقدمز قابونک ایکی طرفه اللریله طوتونه رق غایت بلیغ و مؤثر بر خطبه ایرادیوردیلر . عادات جاهلیه ، قان دعوالری لغو ایدیلدی . قریش ده عفونبوییه مظهر اولدیلر . بعده مسجد الحرامده اوطوره رق عبدالدار اولادندن عثمان بن طلحه یی چاغیردی . « ان الله یأمرکم ان تؤدوا الامانات الا اهلها » آیت کریمه سندن کلاشیلان امر الهییه امتثالاً کعبه نک اناختارینی اکا تسلیم ایتدی . ذاتاً کعبه نک پرده دارلغی اوتهدنبری عبدالدار اولادنده بولونیوردی . فتح مکة کونی ده کعبه نک اناختاری و حجاب (پرده دارلق) وظیفه سی بوسلاله دن عثمان بن طلحه نک التمه ایدی . بعدالفتح دخی بو وظیفه لغو ایدیله رک تکرار بوسلاله یه تودیع اولوندی .

فتح مکي متعاقب حنین سفري دخی حنین ختلانه ایره رک اموال غنائم تقسیم ایدیشیدی . صوکر ا ذی القعدة آبی ایچنده علیه الصلوة

اولدینقی ... ایلری سورمهیه باشلادیلر . بالطبع حضرت صدیق
بو مقوله سوزلره قولاق ویرمدی . پیغمبردن تلقی ایتدیکی اوامر
وتعلیماتی تمامیه یرینه کتیردی . حجاج مسلمین کرك احسی ، کرك
غیر احسی ، بلا استثنا ، عرفات وقفه سنده حاضر اولدیلر . ایشته
بو صورتله احداث اولونان او بدعت رفع ایدیلش اولدی . حضرت
علی یوم نحر کونی مناده « جرة العقبه » موقعنده آیاق اوزری قالدق
یوکسک سس ایله سورة توبه نك اوللرندن قرق قدر آیات کریمه یی
تلاوت ایتدکن صوکر ، فخر کائنات اقدمزدن اخذ ایتدیکی وجهله:
« لا یدخل الجنة کافر ، ولا یحیی بعدالعام مشرک ، ولا یطوف بالبيت
عربان . ومن کان له عهد عند رسول الله صلی الله علیه وسلم فهو الی
مدته »

دیه رک کافرک جنته داخل اولمه جغنی ، بوندن بویه مشرکین
حج ایدمه جگنی ، رسول اکرم اقدمز ایله اره لرنده معاهده لری
بولونانلرک مدت لری نهایت لری قدر عهد لری ره رعایت اولنه جغنی اعلان
ایتدی . حضرت علی مرکزده بونلری تبلیغ ایتدیکی کبی ، حضرت
صدیقک اسریله ابو هریره و دیگر بعض اصحاب کرام دخی حجاج بیننده
یورویه رک بوجهتی عمومیه اعلان ایدیورلردی . بالطبع بو حال مشرکینک
خوشنه کیمه مش ، انلری دوشونمکه سوق ایتشدی . اسلامیتی
قبول ایتدکجه فوز وفلاحه ایریشه میه جکرینی یواش یواش تقدیر ایتمکه
باشلامش لردی . فی الواقع چوق کچمه دن هپسی ده شرف اسلام ایله
مشرف اولدیلر .

حلیم ثابت

فلسفۃ

وحدت وجود

۲۴

مادامکه سوز بورایه قدر کلدی ، برازده شیخ اکبرک عالم حقنده کی
فکرندن بحث ایدلم . فصوص شرحندن محو واثبات صورتیه بورایه نقل
ایده جکمز شو خلاصه دن اکلاشیله جغنی وجهله دیگر اکابر صوفیه کبی
حضرت شیخ ده عالمک کندی نفسیه معدوم ، حقل وجودیه موجود
اولدینغه قائلدر . آنک اعتقادینه کوره عالم آتات ایله متبدل ، جناب حق
عالمه دائماً متجلیدر . تجلی اولک اصلنه رجوعیه عالم معدوم ، تجلی
ثانیئک وقوعیه تکرار موجود اولور . فقط تجلی ثانیئک سرعت
وقوعندن طولانی هرا یکی تجلی بیننده کی انفصال مشاهده اولماز . یعنی
عالمک ، بر آن غیر منقسمه معدوم ، تکرار موجود اولدینغک فرقه
وارلماز . بو حقیقتدن غافل اولانلر عالمی مستمر الوجود ظن ایدرلر .
حال بوکه : جوهر اولسون عرض اولسون عالمک هیئت مجموعه سی دائماً

نقض ایدیلوب ، انحق تاریخ اعلاندن اعتباراً درت آی قدر برمدت
امهل ، فقط معاهده خصوصیه لریک مدت لری قدر رعایت ایدیلک لازم
کله جگنی اشعار ایدیوردی . معاهده عمومیه اربانه کوره اودرت
آی ، معاهده خصوصیه لری اولانلره کوره اومعین مدت لری بردوشونمک
زمانی ایدی ، که بومدت ظرفنده یا سلامیتی قبول ایده جک ، یا خود
ایتمه جک ده اسلامیه خصم اولدق لری علناً سویله جکلردی . ایشته
برائة سور جلیله سنده اولان « فاذا انسلخ الاشهر الحرم فاقتلوا المشرکین
حيث وجدتموهم وخذوهم واحصروهم واقعدوا لهم کل مرصد فان تابوا
واقاموا الصلاة وآتوا الزکوة فخلوا سبیلهم انا انہ غفور رحیم ... » آیت
کریمه سیله بونلرک دخی دملری هدر اوله جغنی بیلدر یلیوردی . ایشته
برائة سورة جلیله سنک احکام منیفه سندن اوله رق بالجمله مشرکینه قارش
اولان معاهده عمومیه نك نقضیه ایکی درلوتیجه عملیه میدان کایوردی:
(۱) اسلامره قارش معاهده خصوصیه لری بولونسون ، بولونماسون ،
تاریخ اعلاندن اعتباراً هیچ بر مشرک حج ایدمه جک ، عادات
جاهلیه اوزره هیچ بر کیمسه نك کعبه معظمه یی طواف ایتسنه مساعده
اولونمایه جق ایدی .

(۲) انحق معاهده عمومیه تحتیه داخل اولانلر درت آی ، معاهده
خصوصیه لری بولونانلر مدت معینه لری متعاقب اسلامیتی قبول ایتدکجه
کرك اشهر حرم ، کرك سائر آیلرده مطلقا خصم تلقی اولنوب دملری
هدر ایدیه جکدی .

ایشته برائة سورة جلیله سنی اوقومق ، حاوی اولدینی احکامی
تبلیغ و اعلان ایتک اوزره حضرت علی تعیین بیورولهرق ، نبی اکرم
اقدمزک « المضاء » ادلی دوه سنه راکب اوله رق یوله چیقدی .
قافله حجاج « عرج » ، یا خود « ضحجان » نام محله واصل اولدق لرند
انلره ایریشدی . حضرت ابوبکر : « یا علی ! امیر اوله رقی کلیورسک ،
یا خود مأمور اوله رقی می ؟ .. » دیه سؤال ایتسی اوزرینه ، حضرت
علی : « امیر دکل ، مأمور اوله رق کلدیکنی » سویلدی و مسئله یی ده
آکلاتدی .

مکبه واصل اولونجه طواف وسعی اول حضرتدن کوردکلری
وجهله اجرا ایتدیلر . حضرت ابوبکر ، علیه الصلوة والسلام
اف مزین تاقی ایتدیکی وجهله ارکان و مناسک حجی تعالیم ایدرک
موقفلرده خطبه لر اوقیوردی . حجاج مسلمین دخی حضرت صدیقه
اتباع ایلورلردی . فقط مشرکین بوسنه ده حج و افعالی کندی
بیلدکلری کبی ایفا و اجراده سربست اولدق لرندن ابا واجداد لرندن
توارث ایتدکلری عادات جاهلیه اوزره ادا ایدیورلردی . ترویه
کونی منایه کلدیلر . یوم عرفه نك صباحی اولونجه حضرت ابوبکر
علیه الصلوة والسلام اقدمزدن آلدینی تعلیمات موجبجه وقفه ایچون
عرفاته کیدیه جگنی سویلش لردی . فقط بعض کیمسه لر کندیلرینک
احسی و اهل حرم اولدق لری ، بناء علیه عرفات وقفه سیله مکلف
اولدق لری ، بو حالک ابا واجداددن توارث ایدن عادتله مخالف